

2025

RUANGMEI

(Modern Indian Language)

Full Marks : 100

Pass Marks : 33

Time : Three hours

Thaylou khang:

- I. *Latthanv che hei kalangv padeih A, B, C khatnic D twna khaklangc pat re.*
- II. *Latthanv kaguayna tuang full marks nzat biak margin khou lyanlou e.*
- III. *Nuhpui kamv nang raana latkaeng sinswna latthanv guay daw o.*

KALANGV – A

(LATCHYAM / PROSE)

1. **Latthanv guay hei latkaeng 50-60 dou khou daw o :** 4×2=8
 - (a) Daicthuih rui tabui zaeng khang 'Maanvlou kanmei twmei tho nkhuamei hamh e' twna Howreylu lev Gaytowlung khou saa bam tu cho?
 - (b) HIV rik mansei akhat khou rui akhat khou naengvmei thiak guay tei piakna hy o.
2. **Latthanv guay hei latkaeng 40-50 dou khou daw o :** 3×3=9
 - (a) Miantiimei guangc kai kaingwm twkumh phutow kan cho hy o.
 - (b) Tabui sw ethei aniu tuang haengvmei lwnlung hei tigay thau nuh pwnei cho dinc o.

P.T.O.

- (c) Kapouc rui Chumhzihlungc ta nchyang thau kanmei zingbangc lwnlung tei twkumh cho?

3. **Latthanv guay hei latkaeng 25-30 dou khou daw o :** $2 \times 3 = 6$

- (a) ‘...lungcsiimei nrana kaphwn nroulou mak ge, dui chaeng tei zeih mbaih e, zeih tei dui chaeng mbaih e.’

Guibamlynliu rui Kulanang khou mi latbamv rui tabui tithaylou nii bam tu cho?

- (b) Tabui zaeng Galileo Galilei ta kangkai khou lou kan tu cho?

- (c) Kangkai khou rui mpatloupui tangv Rani Gaidinliu kakailuangc hanguang nuh makmei tabui zaeng rui cho?

4. **Tiilou bammei latthanv nei hei latrian akhat khou daw o:** $1 \times 2 = 2$

- (a) Chumhzihlung pui zanc tabui kaw cho?

- (b) Liam mav Gaydinliu tabui bw khou theic kan cho?

(LUCHYAM / POETRY)

5. **Latthanv guay hei latkaeng 50-60 dou khou daw o :** $4 \times 2 = 8$

- (a) Luchyamhyme rui tabui zaeng theihmei hei nganaa lakmei nganvbamv chaenglwan e tu tuang cho?

- (b) “Zouhmuan gaymei tho tary rwng tuang kachav de,”

Mi tuang latbamv rui Lubuanneic ta saa nii bammei hei tabui cho hy o.

6. **Thanv bammei latthanv hei latkaeng 40-50 lungc khou daw o :** $3 \times 3 = 9$

- (a) ‘...alungning tei pheikaphangv kumc’

Lungcsiimeipui lungning ‘pheikaphangv kumc’ saa bammei hei tabui saa tuang cho?

(b) Lubuanneic lunghmei ganv tuang Bwanruanghluangc lam hy o.

(c) “Neihlaa e kaniw kumhmei ningtyngmei nunc zaeng khang”

Luchyamhyme C.P. Lungkubon rui neihlaa bammei tabui ningtyng zaeng khang rui cho?

7. **Latthanv guay hei latkaeng 30-40 dou piuna daw o :** 2×3=6

(a) Poujairung Thaime rui tabui zaeng Raengdaic ta makaamvmei bwmaengc e saa bam tu cho?

(b) Luchyamhyme Lanbon Longmei rui “thanmei kapui nac guay” tw bammei hei thow thow ta cho?

(c) ‘Gaymei khang damc kungcna

Siime khang chiwna damc geiclou e.’

Mi latbamv khou Hukhyamlaeng rui saa nii bammei tabui ta cho hy o.

8. **Kabangc khou latthanv hei latrian akhat khou daw o :** 1×2=2

(a) “Guailingc khou maku guaic bangclou tina

Nchwngna ding tuang kumc...”

Thow cho nchwngna ding bammei kiu?

(b) Tabui zaeng rui manseina ryanraa bam tuang e twna Hukhyamlaeng rui saa cho?

KALANGV – B (PAHMEI / READING)

9. **Latdangv hei pac lana latthanv guay latkaeng 25-30 lungc khou daw o :**

Reynungc aniu Ruangmei chapriak khou neime nungc taanv taanhpu mei ta riap nuhmei khatnic tii nuhmei guairaek nai e. Hei zaengrui nei bammei nungc Ntaymei nunc rui Puiluanh namv khou kariak ntwanna taanc bam tipui zaeng rui khatnic mi tei sw riu twmei lat tei piulou timak khourui latgeic patna mathei nuy phunghmei gaanv padeih ta meicgeihmei rui theihmei guairaek tii kan tuang e. Mi ganv khou

tei Zahduanang tho Puiluanh namv khou bam mak khwan e. Kamei Luangkauc khou bam khwan e. Kumtipui zaeng rui kamei tho meicdowmei ta nic thay mak ge, kamei rui swluai khang nic saa kan tuang khat sihnic maek ge. Meicdowmei chamv hei tho kamei rui nkhamhna thay kan tuang de.

Kariak theilayna taanc kan tuang dina dihsinmei rui latsaa ni tu hamh e twna ramh ninglou mak bam khwan e. Kumetiki Zahduanang, 'Britishmei guangcdi khou neih key dat mak khe' tw bammei ganv zamh ngamvsinmeipu rui swluai khang latdanv pat kan the. Huay nuhpui bamv azuh khou huaychaa the tiki theihmei hamhna duak nuhpui chaeng maek khwan the. Kalam thu Zahduanang ta swluai khang twmei hei British dihsinmei lung khou ntipna dinglou tang kanmei latbamv di the. Puangcpat nimei mwnpwang ta kaduy katut khourui nsiktaplou tukumc sansimei Haipou Zahduanang puangc patmei lwn how makna tat rey kan the aniu ta ganclou ducna.

- (a) 'Neimei' twmei chap hei tabui cho? 2
- (b) Puiluanh namv khou nei nungc tabui pat kan cho? 2
- (c) Ntaymei gaanv padeih theic bam sini Zahduanang lungh ryanraa tuang maek bammei tabui zaeng cho? 2
- (d) Mi latdangv khou Haipou Zahduanang tabui khuay nai tina theihmei latdanv mphang kan tu cho? 2
- (e) 'Britishmei guangcdi khou neih key dat mak khe' twmei latbamv kabac tabui cho? 2

10. Kabangc khou tiiloumei latdangv hei pac lana

- (a) Note kasiameh o. 3
- (b) Note khoutei rui *summary* hy o. 3

Daicthaumei ganv ntaw zuk khou karik azuh patna nnau bammei hei ntu-nggaanv kariu khou rui guangmei azuh nai e. Nkhuc nrouc khou rui naengvmei rik guay hei geih tho karamsu nchamc nuhmei peyna nai e.

Mi kumhmei rik ti hei English khou Sexually Transmitted Diseases (STD) hamhethei Sexually Transmitted Infections (STI) twna kaw e. Ruanglat rui

Pheybangc Ravpuat tw ethei thaynah e. Mi tuang rik asaekc kiu tho – Gonorrhoea, Syphillis e. Mi hei bacteria rui tipat re. Venereal Warts, Hepatitis A,B,C, Scabies, Herpes, HIV - mi guay hei tho virus rui tipatmei ravpuat guay e. Pheybangc Ravpuat guay hei karik phungcna nnau bampui mei akhat lev ntu-nggaanv kariupui ganv khou naengv e. Tigay dat ngam makmei pheybangc ravpuat nai e, kaganv chaana ravzaucloou ethei gay dat nuhmei nai e.

Aseicdou tho STD/STI rui suhmei nunc ravzauh khang pingmei lev zakmei rauguang the twna saa nuh e. Kaganv akhat khou tho mi ravpuat naime i nunc ta pui ruhnac rui ning malaa bam khwan e. Mi kumhmei ravpuat phunghmei guay tei meicphuanc patna tat khang khatnic doctor daeng khou nganv guang khang ping-zak bam khwan e. Swtuang kiu thu STD ravpuat hei naipui mei kapumc kahak sinic mi ravpuat hei nai e twmei thay makna bam nuh e. Kumhpui zaeng rui kakhourui gaanv khat khou kadaipat kan e twmei thay mak ge. Khey, chav, panty lwan nchumhna lunghmei na rui mi kumhmei ravpuat guay khourui ngaek nuh e.

KALANGV – C (HYMEI/WRITING)

11. **Tiiloumei latpy khourui luchyam karian tachat khou hypat ro :** 4
 - (a) Akailuanc
- (b) Apui
12. Bwanruangh lev Riangpaengc kak khou naime i National Highway akhat khou mulay zaylouna chaeng tat dat nuh makmei lwnlung ta nang howlou the. Howlou kanmei lwnlung lam khou tei duime i report akhat hy o. 4
13. Kabangc khou latbamv hei tiiloume i Outlines sinswna Essay latkaeng 180-200 lungc khou hy o: 8
 - (a) Mansei Panty

[Outlines: Kahouhmei – tabui cho – kandihmei rui lungc ariumei – rik ngammei akhat rui lungc ariumei - luailoumei]

hamhethei

(b) Aguc duidai kaniem gay.e.

[Outlines: Kahouhmei – Latchap kabac – piupui lwan - luailoumei]

14. Kenaan Daenghmei rui “Tazei Times” tuang nzangmei (editor) khou kachwn ndauhna ‘aniu Ruangmei zaat hei saengcthau daicthau khang kasiamh makna kamung karuang laenghlouna tu-zangvna syandui azuh swmaan bammei hei nthaeck la kho’ twmei tatdyn akhat hy e. Mi tatdyn kiu hy pat ro. 8

hamhethei

Tazei Public Hr. Sec. School, Luangmai khou Ruanglat Dinhmei sw khang mi school tuang Principal khou nang tuang bio-data kazauhmei tatdyn akhat hy o. Nang zanc Ruanglatdinc hylou o.

KALANGV – D (LATRIAK / GRAMMAR)

15. (a) “Mbaanv kapwm Rav ngamv rui padik ge.”

Tiiloumei latrian khou nwkwang khwan latkaeng hy pat ro. 1

- (b) “Daihmei” twmei latkaeng hei tabui khwangwan madanhmei latkaeng cho? 1

16. (a) “Huaypui mei khang tiilou e.”

Mi latrian khou ‘tiilou’ hei tabui part of speech cho? 1

- (b) “Guaih sianmei rui guaih kang akhat ta phaengzau e.”

Mi latrian khou collective noun latkaeng kapah pat ro. 1

17. **Tiiloumei latrian khourui nchoumei latpaa hy pat ro :** 1×2=2

- (a) Si-guak theih mak gethei ngaymei luih mak ge dav!

- (b) Kailuangcgac kalusuan kalatsav gay dyng e!

18. Latthanv hei pac lana tiilou bammei latdaw padeih pang khourui nchumh liangmei latdaw kapahna hy pat ro : 1×4=4

(a) “Thaylik mu kalam guayna khou kahi lik sikhsik ge.”

Mi latrian khou Ruanglat latmii hei .

- | | |
|--------------------|---------------|
| (i) Thaylik mu | (ii) sikhsik |
| (iii) kalam guayna | (iv) kahi lik |

(b) “Guanglungcrey akhang suangc tat ri taphtap kan the.”

Mi latrian khou ‘taphtap’ twmei hei

- | | |
|-----------------|-----------------|
| (i) latthiap e. | (ii) latpaa e. |
| (iii) latmii e. | (iv) latrian e. |

(c) “Zianreylu zaw nthyam liang e.”

Mi latrian hei tabui latrian cho?

- | | |
|-------------------------------------|------------------------------------|
| (i) Positive degree latrian e. | (ii) Comparative degree latrian e. |
| (iii) Superlative degree latrian e. | (iv) Nkhuai ngam de. |

(d) “Ai taanc dat lak khe.”

Mi latrian hei

- | |
|---|
| (i) Chalahna ndauhpatmei (Declarative) latrian e. |
| (ii) Hamhmei ndauhmei (Negative) latrian e. |
| (iii) Thanvmei (Interrogative) latrian e. |
| (iv) Thouhmei (Imperative) latrian e. |